

吾

學

編

皇明北虜考序

高皇帝未清四海傳檄驅

蹙之於後當是時然猶伏我障

將校皇子元侯樹藩開府周匝三番選練士馬周防曲備羽檄南馳殆無虛日 高皇番訓時備西

北猷慮遠矣靖難之後臚胸挫跌五帥不還 文

皇赫怒仗鉞四征雖嘗蹂虜庭降名王俘其輜畜

而我之財力亦已大窘至於末歲猶議勤兵廷臣

力阻 上意益堅司徒匏繫於掖庭本兵雉經於

私第渝木之變雖悔曷追 宣宗時出近郊大蒐

講武喜峰之役薄伐山戎而已正統十餘年間貢  
使往來好語相休謾和親於漢姬委賜物於宋幣  
戎心狹焉覬覦非望重以菴寺鳩張柄臣首鼠垣  
墉既潰羈勒弗虔卒致六師失次將相輿尸輅馬  
被遮四郊多壘三陵徹祀萬雉幾搖賴天之靈

景皇知人善任文武大臣艱難宣力禹迹端歸堯  
封如故虜亦散亂叛弒相尋我得寧輯顧其書詞  
桀傲使介驕凌稍示包荒治以不治爾天順時我  
懷平城之警虜遽呼韓之隙雖有寇掠亦能扞禦  
迨至成化諸酋競起分部爭雄各據水草殘我邊

郡河套沃土棄爲虜巢威寧之捷足稱敵愾顧茲  
讒口反謂貪功刀筆因而舞文干城爲之解體不  
惟大寧興和開平已非我有朔方河南亦非職方  
之舊而河西遼東徼外城郭諸國保塞奚夷亦漸  
携貳於是並塞萬里所在將屯官益多力益分財  
益匱中國益困以故弘治初年頗搜徃牒謂洪武  
永樂皆嘗遣使穹廬至厘書勅錫之綺繡縻以官  
封苟駕馭有方彼狎其餌吾峻其防亭堠不驚耕  
牧自便遲以數年虜將耗鈍我益富強此計之得  
者也於時許進行之大同三年三貢費纔十餘萬

金大向東西五鎮皆無虜患已而議者又謂虜入邊塞經關隘扣闕庭知我地利闕我兵力普化也先前車不遠我是以閉關却貢專意內修己未庚申妖纏昴畢上谷雲中慘被荼毒孝宗發憤召見公卿即議征討劉大夏面陳利害僅遣柳棘之師坐收薇杜之績不然幾考庚寅之故不貽己己之憂乎然當是時君臣輯睦民物殷阜適此外憂益勤內治海宇晏然不知兵革比至正德河東陝西鴈門以北歲有虜患隱敗冒功上下欺蔽修攘無策人心思亂盜賊四起宗藩再變豈惟嬰叛是

謂親離

今皇帝躬神聖之資乘鼎革之會順治

威嚴化洽內外蠢茲醜虜曾何足慮彼善憂者以爲近日諸虜解讐結好更入迭出罷我奔命且進退分合頗有紀律而又納我逋人巧爲間謀泚迹市廛至窺京甸往歲越大同逾鴈門經太原掠上黨闖平陽殘漁陽困遼東近復度紫荊逼居庸甚至入古北犯都城矣秦中隴西去京已遠卽殺掠人畜數萬不以聞也乃役役焉議將議兵議食議通貢議戰守議賞罰亦直其細小者耳嗟乎三代之盛禮樂未及於江南五季以還門柝不施於薊

北漢開疆於衛霍唐覺國於安史豈若我朝山川綢繆已得天險營鎮聯絡更盡人謀節其貢賦有恒足之財總其紀綱無專命之吏蓋自生民以來未有盛於今日者也善爲國者特加之意而已或曰周宣修行獫狁于襄重華敷德四夷來王又曰孰佐重華臯夔益稷孰佐周宣召張山吉有以哉有以哉

嘉靖壬子九月九日鄭曉識

皇明北虜考

吾學編第六九

海鹽鄭曉

洪武元年八月克元都元主遁出塞二年十月貽書元主三年五月曹國公克應昌獲元主后妃孫買的里八刺其太子愛猷識里達刺遁去始知元主殂於應昌謚爲順帝遣使致祭封買的里八刺爲崇禮侯愛猷識里達刺稱帝於虜中我取虜東勝興和敗王保保是年都督孫興祖戰歿四年六月納哈出侵遼東五年正月大將軍達等三道出塞討王保保三月敗王保保於土刺遁去四月又



敗虜於阿魯渾河十一月納哈出寇遼東十二月  
書諭元幼主曰皇天無親惟德是輔君其思之自  
古國家必有興廢以小事大理勢之常昔我中國  
趙宋將衰爲金所逼遷都於杭納以歲幣君家亦  
遣使於宋約納歲幣如金時雖疆界有南北之分  
而前後延祚百五十年此小事大之明驗也朕觀  
前代獲他君子孫必獻俘廟社誇示國中其初亦  
有待之以恩授之以爵者及其後也非鴆卽殺雖  
君家亦爾宋之幼主削髮爲僧終不免於死朕則  
不然君之子至京已三年禮待有加君宜遣使取

使致之琉球脫古思帖木兒爲其下也速迭兒所  
弑部落潰散大臣立坤帖木兒可汗二十二年  
六月 上勅禮部曰朕削平 一天下二十  
餘年而朔漠尚未清近命未 一等率師直

度大漠俘虜其衆虜主脫古思帖木兒逃竄北歸  
未達和林爲也速迭兒所害惟知院捏怯來丞相  
失烈門等擁兵自固旣而去逆効順率衆來歸朕  
遣使授印與武官而失烈門數稱疾不與使者相  
見爾禮部可移諭捏怯來若失烈門有意南來可  
令入朝決意北嚮從其所欲古之人有殺身亡家

北歸八年十二月虜寇遼東十一年五月寇陝西  
十三年虜脫火赤屯和林沐將軍討擒之十二月  
虜寇未平十四年正月乃兒不花寇塞上四月魏  
國公率諸將出塞襲之大獲十九年冬納哈出據  
金山二十年宋國公率師出大寧未昌侯藍王襲  
破虜六月宋國公至金山臨江侯迷失道戰死王  
降納哈出閏六月虜殺我殿帥都督濮英二十一  
年王克大將軍出大寧至慶州敗虜主脫古思帖  
木兒遁去獲其子地保奴及后妃以歸脫去思帖  
木兒者即愛猷識里達剌子也地保奴有怨言遣

使致之琉球脫古思帖木兒爲其下也速迭兒所  
弑部落潰散大臣立坤帖木兒爲

丁二年

六月 上勅禮部曰朕削平禍亂以

一二十

餘年而朔漠尚未清近命未昌侯藍丁率師直  
度大漠俘虜其衆虜主脫古思帖木兒逃竄北歸  
未達和林爲也速迭兒所害惟知院捏怯來丞相  
失烈門等擁兵自固旣而去逆効順率衆來歸朕  
遣使授印與武官而失烈門數稱疾不與使者相  
見爾禮部可移諭捏怯來若失烈門有意南來可  
令人朝決意北嚮從其所欲古之人有殺身亡家

而立名者有保身全家而求生者人之志固有不  
同不可強也時捏怯來等皆降是冬 上以元兀  
納失里大王居和林西命來降太子八郎鎮撫渾  
都帖木兒往招之諭曰昔中國大宋皇帝主天下  
三百餘年後其子孫不能敬天愛民故天生元太  
祖起漠北混一天下百年之間其恩德孰不思慕  
號令孰不畏懼是時四方無虞民康物阜自脫歡  
帖木兒皇帝即位政出權臣法度廢弛是以上天  
降亂民墜塗炭草野間豪傑並起朕時在淮甸見  
生民靡寧乃與鄉黨豪傑起兵除亂不四五年群

雄悉定故元番將降附者接踵而至凡兩遣兵直抵漠北時稱帝者脫古思帖木兒奔往也速迭兒之地遂遇害其餘士馬爲知院捏怯來國公老撒丞相失烈門二人所有今已悉來降附朕處於美水草蕃畜牧之所俾樂生安業朕今主宰天下遣使諭爾如有所言使還以聞朕有以處之二十三年丞相咬住太尉乃兒不花知院阿魯帖木兒伏寨下三月 成祖率諸侯兵出北古口降之二十四年四月 成祖督頰國公諸軍出塞捕阿失里八月都督劉貞宋晟出塞征哈梅里兀納失里遁

去攻破其城斬其王酋千人二十五年 成祖巡  
塞捕虜二十六年二月勅晉王大出塞集諸兵敗  
虜三月勅 成祖防阿魯帖木兒乃兒不花二十  
九年 成祖出大寧塞周世子有燉出北平塞捕  
虜三十一年勅塞上諸王備虜建文二年二月韃  
靼國公趙脫列于司徒趙灰鄆帖木兒司徒劉哈  
刺帖木兒率衆歸北平謀報虜侵邊 成祖諭韃  
靼可汗坤帖木兒并諭瓦剌王猛哥帖木兒等三  
年冬可汗使人歸欵北平虜寇鐵嶺坤帖木兒死  
鬼力赤立爲可汗永樂元年二月 上諭可汗思

力赤書曰元運旣衰我皇考太祖皇帝受天命

撫有天下朕以嫡子奉藩於燕恭承天眷入繼大

統嘉與萬邦同臻安樂比聞北地推奉可汗正位

特遣指揮朵兒只恍惚等持金綺四往致朕意今

天下大定薄海內外皆來朝貢可汗能遣使往來

通好爲一家使邊城萬里烽堠無警彼此熙然共

享太平之福豈不美哉并勅其太師右丞相馬兒

哈咱太傅左丞相也孫台太保樞密知院阿魯台

等以遣使往來意各賜文綺二疋入遼東塞掠懿

路七月又書諭力赤十月虜寇未平是月鬼力



赤阿魯台與瓦剌馬哈木戰大敗已而馬哈木阿  
魯台皆遣人入貢閏十一月寇灰溝村黃甫川三  
年正月阿魯台部落掃胡兒來歸曰鬼力赤聞兀  
良哈哈密內附遂相猜防數遣人伺塞下令謹備  
之四年三月書諭韃靼可汗鬼力赤朕嗣天位撫  
天下體天心以爲治惟欲萬方咸得其所今海內  
外萬國臣順安享太平嘗遣使致書可汗謂宜通  
好往來共爲一家而可汗不悟拘我使臣掠我邊  
境自阻聲教夫天之所與孰能違之天之所廢孰  
能舉之昔者天命宋主天下立十餘世天厭其德

命元世祖代之元數世之後天又厭之命我太祖皇帝君主天下此皆天命豈人力所能也不然元之後世自愛猷識里達剌北徙以來至今可汗更七主矣土地人民曾有增益毫末者否古稱順天者昌逆天者亡爾衆甲冑不離身弓刀不釋手東遷西徙老者不得終其年少者不得安其居今數十年矣是何罪也可汗聰明特達宜敬天命恤民窮還前所遣使者及掠去邊人相與和好用寧息爾衆同享太平之福願不偉哉若果負強強之性天命入窮有所不顧必欲力較勝負朕亦不得

獨已中國士馬精強長驅迅掃恐非可汗所能支  
也可汗其審慶行之文綺二表裏往致遠意不報  
五月勅可汗部首阿魯台六年三月書諭本雅失  
理曰鴻臚寺丞劉帖木兒不花等自撒馬兒罕脫  
身居別失八里今鬼力赤等迎尔北行朕計鬼力  
赤與也孫台久結肺腑爲固未必能棄親就疎况  
手握重兵雖下有附尔者安敢異志尔與鬼力赤  
勢不兩立矣夫元運旣訖自順帝後傳愛猷識里  
達臘至坤帖木兒凡六代瞬息間未聞一人遂善  
終者此可以驗天道尔之保身誠不易也去就之

道宜詳察古帝王如周封舜後胡公滿於陳夏後  
東虜公於杞商後箕子於朝鮮微子於宋漢唐宋  
下皆封前代後我皇考太祖於元氏子孫存恤

保全有來歸者皆令還如遣脫吉思帖木兒還後  
爲可汗統率其衆承宗祀南北人所共知也朕之  
心即皇考與前古帝王之心尔元氏宗嫡當奉  
世祀吉凶二途審思之如能幡然來歸加以封爵  
厚以賜賚俾於近塞擇善地以居惟尔所欲無爲  
下人所惑徒擁虛名禍機在前有不暇顧亦惟尔  
所欲朕愛人之誠同於敵日今再遣劉帖木兒不

花等諍意并賜織金文綺衣二襲絲幣四端尔其  
審之是冬鬼力赤殘破虜迎立本雅失理叛負不  
相統都督僉事吳允誠子谷蘭柴秉誠子別立哥  
等請出塞自效從之七年四月遣都指揮金塔卜  
歹給事中郭驥賚書諭本雅失理曰邊將得尔部  
下完者帖木兒等二十二人來具言衆已推立尔  
爲可汗尔欲遣使南來通好朕心甚喜今遣都指  
揮金塔卜歹給事中郭驥等賚書諭意可汗誠能  
上順天心中察人事使命往來相與和好朕主中  
國可汗主漠北彼此永遠相安於無事豈不美哉

綵幣六表裏用致朕意完者帖木兒等朕念其有  
父母妻子均給賜賫就令使臣送歸可汗其體朕  
至意并賜其臣阿魯台馬兒哈咱脫火赤哈失帖  
木兒等綵幣虜殺驥五月封瓦剌馬哈木爲順寧  
王太平賢義王把禿孛羅安樂王賜之誥印七月  
滇國公武城侯同安侯靖安侯安平侯五將軍出  
塞討本雅失理阿魯台八月諸將盡敗沒於臚胸  
河上大怒諭諸將明年征虜八年上出塞至  
幹難河敗本雅失理遁去又敗阿魯台十一年  
上起乾京勅阿魯台無以丘福事懷慮漢呼韓即

唐阿魯那社尔受享顯爵福及子孫尔宜效焉特  
賜尔母子金幣諭意十月阿魯台降封和寧王十  
二年春 上北征瓦剌馬哈木再出塞阿魯台時  
遣使至 上營言馬哈木動靜且覘我我兵大敗  
馬哈木太平把秃孛羅於忽蘭忽失温退奔至土  
刺河 上使諭阿魯台阿魯台大懼二十年三月  
虜攻圍興和守禦都指揮王祥戰歿先是阿魯台  
爲瓦剌攻敗窮蹙以其妻孥部落奔竄而南保息  
塞外遣使奉表稱臣貢駝馬 上曰虜性黠詐勢  
窮來歸非其本心然天地覆育豈有所擇納其貢

使封爲和寧王母妻皆封夫人賜金帛俾仍居漠  
北阿魯台感上恩屢遣使貢馬又遣子來朝數年  
生聚畜牧益蕃富遂克悖桀驚使還就途劫掠朝  
使至又輒慢侮或拘留苦之時時遣部落出沒塞  
下爲寇 上嘗諭其使還語阿魯台竟不悛至是

大舉圍典和邊將檄聞 上遂決議親征五月

上至獨石大閱將士六月次威遠川虜進攻萬全  
七月次殺胡原獲虜言阿魯台部下聞兵出塞皆  
憂懼叛散繼聞 上親征阿魯台大懼其母妻亦  
恨阿魯台反時時罵阿魯台逆天負恩自取喪敗



阿魯台性惑盡棄其馬駝牛羊輜重於濶樂海旁  
北走 上遂班師還征兀良哈十二月阿魯台弒  
其主本雅失理而自立本雅失理妻率其屬來朝  
乞居內地避之二十一年七月降胡言阿魯台將  
入寇 上又出塞征之八月次萬全虜知院阿失  
帖木兒右納台等率妻子來降言阿魯台今夏爲  
瓦剌順寧王之子脫歡所敗掠去人畜無筭部屬  
潰散無統若聞天兵復出疾走遠避不暇敢南向  
耶 上以二人爲正千戶十月先鋒將陳懋至飲  
馬河北遇韃靼王子也先土千率其妻子部落來

歸封爲忠勇王賜姓名金忠二十二年正月大同

開平守將奏阿魯台部落侵塞上初忠勇王金忠

來歸屢言阿魯台弒主虐人違天逆命數爲邊患

請發兵討之願爲前鋒自效上曰兵豈堪數動

朕固厭之况下人乎忠曰如邊人荼毒何上曰

卿意甚善但事須有名文帝嘗言漢過不先姑待

之比邊撤至召文武大臣議群臣遂請上北征

六月上駐哈蘭納木兒河上不見虜遂班師七

月至榆木川上崩宣宗卽位給本雅失理妻

及其外母米月各五石洪熙元年七月瓦剌部脫

脫來歸七年馬哈木破阿魯台欲自立衆心不附  
乃立脫脫不花爲主居漠北宣德元年正月使勅  
瓦剌王子捏烈忽嗣父太平賢義王是年馬哈木  
子脫歡遣人進馬令嗣父王二年和寧王阿魯台  
瓦剌順寧王脫歡亦力把力王歪思各遣人朝貢  
三年正月遣指揮曹者赤帖木兒奉璽書諭阿魯  
台四月脫歡歪思各遣人朝貢賜之金綺加賜歪  
思弓刀甲冑四年六月虜寇赤城七月寇宣府十  
月寇鵬鶚五年虜中諸酋相構往來戰塞下六年  
二月上勅大同總兵武安侯亨聞阿魯台與瓦

刺脫歡戰阿魯台敗北部曲離散假息近邊即欲  
來降嚴爲警備歸正人至傳食至京虜多詐古云  
受降如受敵慎哉八月 上遣使賜勅撫諭阿魯  
台七年九月阿魯台殺敗兀良哈遂住牧遼東塞  
明年二月阿魯台遣人自遼東入貢 上勅總兵  
巫凱往年虜使自大同宣府入今乃迂路從遼東  
來謹防之七月虜入大同塞九月阿魯台部落寇  
涼州九年正月寧夏總兵史昭言韃靼也先帖木  
兒等款塞 上勅昭虜譎詐未可輒信或僞降怠  
我慎防之毋墮賊計四月阿魯台爲瓦剌所敗遣

人告難 上勅賜綺羅撫諭八月阿魯台死部落  
盡離散瓦剌脫歡遣人朝貢告殺阿魯台請獻前  
元玉璽九月阿魯台子阿卜只俺遣人乞歸附

上遣使撫納以爲中府左都督是月虜朵兒只伯  
寇涼州又入寧夏塞殺掠人畜十二月虜入開平  
塞千戶楊洪禦之虜退去是年甘肅總兵劉廣言  
脫歡襲殺阿魯台完者帖木兒遂南寇塞上千戶  
王敬禦之擒完者帖木兒正統元年虜圍鎮蕃復  
寇山丹又入大同塞是年脫歡與朵兒只伯讐殺  
相併成國公勇言兩虜合一勢益強盛乞勅緣邊

謹備之虜數入山丹寧夏甘肅莊浪塞脫歡遣人  
貢馬瓦剌既敗阿魯台通兀良哈女直伺塞下二  
年脫脫不花遣人貢馬厚賜之時朶兒只伯數入  
塞掠甘涼兵部尚書王驥總諸軍禦之出塞搗其  
巢虜追四年冬虜貢馬五年秋冬虜驟貢馬六年  
冬脫脫不花及其太師也先遣人貢馬賜物王與  
太師等八年也先阿魯骨遣人貢馬也先者脫歡  
之子也當是時脫脫不花弱而也先強盛也先又  
以其姊妻脫脫不花數年間狹脫脫不花遣人並  
入貢馬得賜金帛無筭使人皆館京師逾春始遣

還遂笏驚不恭時時殺掠道路我往來通事人變  
詐出好語告以中國虛實也先因與通事人言吾  
有子請婚南朝公主通事人謾曰爲若奏 皇帝  
皇帝許爾矣也先大喜誇諸酋曰吾且進聘禮十  
四年春遣二千人貢馬曰此聘禮也朝廷初不知  
答詔不及和親事也先大愧怒七月大舉入塞分  
寇大同宣府塞上諸城堡多陷沒羽書紛至遣駝  
馬都尉井源等四將軍統兵四萬出禦虜太監王  
振力勸 上親征從之命郕王留守英國公張輔  
成國公朱勇率師從戶部尚書王佐兵部尚書鄺

楚學士曹鼎等扈行官軍僅從五十餘萬人出居庸抵宣府連日惡風雨源等戰敗尸橫原野上至大同虜引避誘我深入大同太監郭敬力阻振振始懼請班師又連日夜雷雨虜輕騎躡我八月上至狼山朱勇兵三萬戰敗鷄兒嶺上遂至土木欲入懷來振顧私重畱行遂駐土木旁無水泉又當虜衝大臣勸上行虜騎逼我兵不敢動饑渴甚壬戌虜使來議和召鼎草勅與和遣兩通事與虜使偕行上遂移營頃之陣動虜乘之我師大潰死傷萬萬張輔曹鼐等皆死上乘馬呼親兵



突圍不得出遂北狩兵車衣糧盡為虜得癸亥

上在虜營手書與懷來守將索金帛犒虜令遣人  
告京師是日三更入西長安門明日百官集闕下  
是日遣人以黃金珠玉袞龍紵絲饋也先請還車  
駕 上至大同守將劉安給事中孫祥知府霍瑄  
出見 上獻鱗袍 上賜虜酋伯顏帖木兒諭安  
等曰急獲勿資虜又曰虜云歸朕情偽叵測慎備  
之安瑄等獻酒 上酌地飲虜索城中犒軍錢括  
郭敬等金銀萬餘兩饋虜請還車駕虜笑不應  
上自大同出塞至野松林也先營也先進酒出妻

妾歌舞逐奉 上居伯顏帖木兒營兩營相距十

里許伯顏帖木兒見 上甚恭謹九月也先貽書

悖慢答書言中國立 皇帝兵強倉足行當決戰

十月也先使人來議和還車駕賜也先金銀綵幣

使去數日虜入寇至大同廣昌破紫荆關殺指揮

韓清等都御史孫祥走死遂犯京師 上皇居土

城廟虜掠北西門外石亨于謙等營城北都督孫

鐘營城西刑部侍郎江淵參軍事赦交趾敗將故

成山侯王通爲都督鴻臚卿楊善爲副都御史守

京城虜攻北西城我兵與戰殺傷相當虜擁 上

皇至塲下索大臣王直胡濙于謙出迎衆知虜詐  
不出以通政司參議王復爲禮部侍郎中書舍人  
趙榮爲鴻臚卿出見 上皇也先伯顏帖木兒擇  
甲屬弓矢侍 上皇復等見 上皇進書勅 上  
皇視漢字書虜視番字勅也先曰爾皆小官急令  
胡濙王直于謙石亨楊善來 上皇諭復榮曰彼  
無善意汝等宜急去二人辭歸虜益四面標掠焚  
三陵殿寢祭器逼宣武門南逾蘆溝橋散掠下邑  
謙督諸軍出德勝門力戰發大砲擊虜死無算殺  
其酋鐵頸元帥石亨戰彰義門又大捷孫鏜王通

內外夾擊又捷虜勢少阻陳循謙請召各邊精騎  
入援又請下榜數道諭回達番漢能擒斬也先來  
獻者賞萬金封國公也先疑懼而勤王兵亦稍集  
是月既望也先出居庸伯顏帖木兒以 上皇出  
紫荆瓦剌可汗普化即脫脫不花遣使貢馬尋和  
上不許胡濙王直言普花也先君臣素不睦宜因  
以間之 上曰善厚賞虜使總兵昌平伯楊洪都  
督孫鏜范廣石彪帥兵二萬擊震虜未去者十一  
月京師解嚴未旬日也先又遣使索大臣迎車駕  
言使不至來月月生時入塞攻京城京師戒嚴十

二月帝幸寧誘虜以車駕至甘肅入陝西直趨南  
京不果而普化寇遼東不樂出寇寧夏深入陝西  
景泰元年正月虜入大同塞總兵郭登擊却之閏  
五月虜報杳至京師訛言諸大臣潛遣家歸民益  
驚懼吏部辦事吏徐鎮上疏乞禁止不聽是月叅  
將許貴敗虜於黃土嶺二月懸賞格殺也先賞銀  
五萬兩金萬兩封公官太師殺伯顏帖木兒喜寧  
銀二萬兩金千兩封侯是月募兵至京者九萬五  
千人三月虜入蕎麥川偏頭關都督杜忠擊敗之  
虜入萬全又入寧夏至慶陽是月車駕至大同虜

大掠蔚朔分寇宣府諸城時獲虜謀言田達于導也先與賽罕王大同王谷兒不花王鐵歌不花王鐵歌平章脫脫不花王分道入寇四月許貴言虜請和乞谷使緩兵下兵部議謙言曩遣都指揮季鐸指揮岳謙往使財賂方入穹廬虜騎已至關口繼遣少卿王榮通政王復又往不得要領而還今日之事理與勢皆不可和何者中國與寇虜有不可戴天之讐和則背君父而違大義此理不可和也醜虜貪而多詐萬一和議既行而彼有無厭之求非分之望從之則不可違之則速變此勢不可

和世穆又詰責貴虜入鴈門關遣五將率兵三萬分屯真保易涿通州以寧遠伯任禮爲總兵官率精兵五千巡守各城禮辭老以都督同知劉安代之五月虜入河曲圍代州賜虜阿剌知院勅先是虜酋阿剌遣人貢馬請和邊臣留之懷來聞上文武大臣請遣太常少卿許彬鑄衣都指揮同知馬政譯虜使情僞彬等言虜果欲議和罷兵且奉還上皇奏至召陳循等對文華殿諭曰也先背逆天道遮留上皇讐不共天柰何言和循等頓首請賞虜使且好語諭阿剌緩其詐謀京營邊塞嚴爲

防禦 上曰善勅阿刺曰我朝與尔瓦刺和好也  
先違天犯順朕兄 太上皇帝興師問罪也先又  
輒遽畱毒我生靈殘我邊徼朕嗣承大統宗室臣  
民咸請興兵討罪彼孽朕念也先屢請送大駕回  
京以故遣人賜書授賞乃也先譎詐反覆今阿刺  
使至亦奏 云云 朕欲從尔但聞也先尚聚衆塞上  
意在脇挾義不可從即阿刺必欲和好待瓦刺諸  
部落北歸議和未晚不然朕不惜戰也先凶傲不  
悛悔禍恐無及使回朕加恩賚厚賜阿刺答來意  
六月朔戊 上皇至大同虜屢掠大同宣府京師



我嚴阿刺遣人入貢至京也先使亦至居庸關詔  
附賞物我使與偕往勿遣入京七月癸卯遣禮部  
侍郎李賓大理少卿羅綺指揮馬顯偕阿刺使人  
使瓦剌遺書可汗曰我國家與可汗自祖宗來和  
好往來恩意甚厚往年奸臣專滅使臣賞賜遂失  
大義遽畱朕兄今各邊奏報可汗尚畱塞上殺掠  
人民朕欲命將出師往討念彼此人民上天赤子  
付朕與可汗管攝可汗殺朕人朕亦殺可汗人與  
自殺之何異逆天莫大焉朕不敢恃中國之大人  
民之衆輕於戰聞恐逆天也近得阿刺使奏言已

將各家軍馬約束回營是有畏天之意深合朕心  
特遣使齎書幣達可汗其益體朕意副天心勅也  
先日自尔祖父至尔我國家待遇甚厚曩因小隙  
連兵將臣弗戒大駕淹留昨已遣人重齎金帛  
奉迎至三至四尔不發不報以故使命不通此非  
朝廷之過乃者縱兵四出殺掠人民皆天赤子欲  
其啖飯着衣長養生息若殘害其生逆天無道天  
所讐也近阿剌使來言追還各家兵馬仍議和好  
是能畏天愛民真丈夫矣而近邊時聞劫掠是情  
與詞異朕固不惜大戰但恐害天赤子違天意故

特命使臣往諭此意太師其念舊恩順上天愛民  
之意罷兵息戰圖未遠之福又勅諭阿刺知院遣  
可汗及也先阿刺各白金百兩金織文綺八普化  
亦遣皮兒馬黑麻入貢至懷來守將楊信以聞勅  
護至京右都御史楊善工部右侍郎趙榮都指揮  
同知王息正千戶湯胤勣借皮兒馬黑麻使虜禮  
部尚書胡濙言 太上皇帝蒙塵已久宜即附善  
等進服會不報癸亥禮部右侍郎李實及也先使  
人把禿等至自瓦剌寧陽侯陳懋吏部尚書王直  
等言實至自虜中言虜欲和且還 大駕又引實

至 上皇所 上皇諭虜請和非僞慎勿疑阻朕

需少物作人事汝歸爲朕取來朕得南還即令朕  
守祖陵或爲庶人朕亦甘心乞再遣實奉衣物禮  
幣迎復 上皇 上不聽曰虜謫叵測實歸善復  
去不必更使即以迎 上皇意勅也先附其使去

便丙寅懋直等再上言往者普化阿刺遣人議和  
皇上不吝一介今也先悔禍專使行成竟不一報  
適啓戎心後患無已 上亦不聽下大臣再議丁

卯李實言臣自瓦剌還時也先與臣約八月五日  
來迎 上皇臣言需歸朝請旨未敢竊定期約也

先言正使即未遣須先遣一二人同我使來報不  
然勿謂吾失信遂令諸小酋偕少卿羅綺收還大  
同宣府寨上部落臣過懷來見官軍出郊芻牧收  
禾轉餉虜言可信臣復命日蒙召對詳述虜情近  
在廷大臣累䟽未允臣將命講和其欲遣人迎復  
定約日期臣特傳也先口語伏望俯從群言別遣  
材智大臣往迎 上皇雖虜情變詐不測亦可塞  
彼無詞不然直在彼曲在我猶豫趑趄過期失約  
復欲遣使或又以命臣臣自揣愆期決不敢往彼  
此相疑和議不成則 上皇終不可復干戈終不

可息邊鄙終不可寧䟽入復下大臣再議是日把  
禿等還諭也先把禿等至悉議和之意顧前已遣  
楊善趙榮齎書幣至可汗及太師專爲迎朕兄  
太上皇帝朕念朝廷自祖宗來待瓦剌甚厚一旦  
因嫌構隙連兵太師旣能復修舊好朕亦當勉從  
所請繼今益宜上順天意下順人心休其急民以  
實前言把禿等回特頒賞給至可領也所宜欲送  
還 大駕實朕至願果出誠心即令楊善等奉迎  
還京朕當求保和好太師其深省之是日懋直等  
復請再遣實奉迎 上皇 上曰俟善還時御史

畢鸞等翰林檢討邢讓皆跪乞迎駕不聽己巳楊

善至虜宮庚午也先引善見上皇是日也先奉

餞上皇辛未伯顏帖木兒奉餞八月癸酉上

皇祭迤北丙戌至京入居南宮癸巳上宴瓦剌

使人於奉天門明日上皇宴之南宮乙未陞賞

瓦剌使人有差是月東虜入遼東塞總兵曹義擊

却之九月普化遣皮兒馬黑麻貢馬十月也先使

人逾三千出五軍神機營官軍萬五千屯列居庸

關十一月也先使還勅也先尔瓦剌都總兵谷剌

罕太師淮王大頭目中書右丞相也先遣使來貢

并覽奏具悉太師敬順天道尊事朝廷保守兩國  
祖宗來和好之意甚善自今宜安分循理勿聽惑  
浮言否則利歸於下怨歸於上太師察之朕與朕  
兒 太上皇帝骨肉至親毋勞太師念所貢馬疋  
鼠皮賜賞并奏求物討回人口悉付來使假金三  
兩坐罪論發太師知之是月虜入寧夏塞二年也  
先強盛欲爲可汗輒又劫掠普化普化大窘是年  
也先遣人貢馬三年正月貽瓦剌可汗書我國家  
自祖宗來與可汗無嫌已因使臣往來間搆生隙  
除前事不必畱意念可汗能敬順天道復遣使皮



兒馬里麻等遠來朝貢厚意良善朕優與陞賞實  
勞酬貢馬直可汗索器附去但云答使事往有報  
書恐小人有短長言語傷和好徒使利歸於下怨  
結於上但瓦刺人朝貢者聽然亦須人少賞待可  
得厚中國人民男女在瓦刺者後使與偕來重賞  
不吝尚書謙侯亨言普化也先驥殺乞統兵出宣  
府大同討虜復讐上不許二月瓦刺同車撒來  
王子遣人貢馬是年也先遣人來獻捷言其故父  
得阿魯台部落以可汗虛位乃立普化正室也先  
姊也有子不得爲太子而以他妻子爲太子也先

諫之不從。願攻也。先也。先不得已與戰。敗之。普化率十餘騎遁去也。先盡收其妻妾太子人畜。獻良馬二疋。奏捷命宴。其使賜鈔幣。十月也。先遣人來朝貢馬。請命使往來。上曰。正統中。綠使臣往來。搆隙幾危宗社。今聽虜使朝貢。優其賞宴。便遂勅邊鎮練兵防虜。十一月。宴瓦剌使臣大尉察占平章哈只阿力等二千九百四十五人於禮部。令人得買瓦剌使臣馬。瓦剌使臣携曩虜中國男女百餘人至會同館。詔諭使臣人與贖絲幣二表裏。使臣初詐言普化并也。先令携還中國人。已乃匿不

發贖纒十二三十二月少傳王直請吞使尾刺下  
兵部謙言臣職兵戎知戰而已若賊渝盟敢爲悖  
逆當肅將天威往正其罪遣使事不敢預議制曰  
使勿遣是冬也先及其諸酋乞黃紫織金九龍紵  
絲及金酒器藥材顏料樂器佩刀諸物禮部言龍  
袍金器非所宜用乞勿與與藥材諸物當是時也  
先使每至京幾千人出入驕恣毆守衛掠人財物  
至欲騎入長安門稍稍約束即彎弓持刀言奪馬  
殺人通事都督昌英每好語阻之不聽輒侮罵使  
貢在朝時入寨捕掠人畜將官請勦又以通好故

恐貪功啓隙不欲與戰虜益驕東結朶顏西交哈

密脇結赤斤蒙古往往窺塞下四年正月宴瓦剌

使臣察占等二千八百七十六人於禮部勅瓦剌

太師淮王也先太師求荅使朕恐使交構彼此懷

疑以故不遣太師遣人多二次三千餘人邊將堅

請謝絕朕念太師忠義姑聽使人入京自後可少

遣遣時與總數文書否守關者閉不納太師并各

頭目差正副使二十二人陞都督都指揮指揮千

戶等官賞金廂犀帶九釵花金帶九素金帶三花

銀帶其三千餘人貢馬貂鼠皮賞織金絛裘紵

絲二萬六千四百三十二絹九萬一百二十七衣靴帽萬諭太師知之七月也先攻敗普化奔兀良哈依沙不丹沙不丹殺普化也先遂自立爲可汗盡殺故頭目苗裔殺白馬九黑牛五祭天期八月入西番寇我甘涼十月也先遣哈只貢馬貂鼠銀鼠皮書稱大元田盛大可汗田盛華言天聖也末書添元元年中言往元受天命今得元位盡有其國士人民傳國王寶宜順天道遣使和好庶兩家共享太平又致殷勤 太上皇帝 上以書示禮官會議答書吏科都給事中林聰言也先不敢輒

稱可汗使覘中國若輒從其稱長縱逆賊仍其故  
號激怒犬羊乞勅其來使歸語也先以華夷之分  
順逆吉凶之道庶不失國體便刑科給事中徐正  
乞賜也先勅曉以天命禍福成敗之理如其稔惡  
不悛我乃聲罪致討安遠侯柳溥言也先弑篡所  
謂亂臣賊子人人得而誅者若從其僞稱是與其  
弑主也答書宜仍稱瓦剌太師否絕其使彼犯我  
邊塞即興師致討并下廷議議言自古王者不治  
夷狄也先稱大元田盛大可汗固不可從若可汗  
乃隋唐以來北狄酋長之常稱非中國所禁朝廷

答賜勅書宜稱爲瓦剌可汗稍示羈縻便 上又  
下禮部議儀制卽中章綸言可汗二字在中國固  
爲戎狄酋長之常稱在戎狄則爲皇帝之位號觀  
其稱唐太宗爲天可汗元世祖爲成吉思可汗可  
見矣向者脫脫不花爲可汗乃其世傳所稱名猶  
近正也先弒主僭稱名實大舛今若因而稱之彼  
以爲中國 天子亦稱我爲可汗誇示群酋群酋  
畏服無復携貳益窺中原後禍未測仍其故稱彼  
必慚怨益肆侵擾均爲不可莫若賜勅封爲敬順  
王或稱爲瓦剌王便下廷議議言臣等議請稱也

先爲瓦剌可汗詔令再議臣等以爲便給事中盧  
祥李鈞路璧等以爲不便欲仍稱太師乞聖裁

上曰也先雖桀傲亦能敬順朝廷宜如議稱瓦剌  
可汗 上遂勅文武督兵大臣也先擅易名號真  
所遣使從大同來或從宣府甘肅來奸計叵測京  
師備禦不敢不嚴尔等其選兵訓練條上長策聽  
便宜行事并勅沿邊城守戒嚴十一月瓦剌使臣  
火只尔阿麻回回進王石九千九百斤却令自售  
也先弟賽目字羅魯王諸酋並遣人貢馬自是稍  
出入東西塞上爲寇不復深入也先新立恐諸部



不從亦欲與中朝通好貢市往來然數年賞賜虜費亦不下百萬計天順初也先有平章哈刺者欲繼也先爲太師言於也先曰主人衣新衣幸以故衣賜臣也先不許而以其弟平章阿失帖木兒爲太師哈刺怒欲叛也先也先荒於酒色又殘忍諸部不悅稍解散也先益忌哈刺聞哈刺且叛益怒欲攻哈刺恐不勝乃召哈刺子飲酒酒中飲之鵠哈刺子嘔吐覺走出不能行嚙指血染箭令其僕持告哈刺哈刺陽不知益敬順也先也先以哈刺畏已防稍解哈刺伏衆伺也先出獵襲也先也先

倉皇戰敗走從數十騎遁又恐此數十騎通哈刺  
半夜棄此數十騎與二親信走道中饑窘至一婦  
人所乞漿婦人飲之酪遂去夫歸婦言狀夫疑其  
爲也先急追及之果也先殺之諸部遂分散而孛  
來孺王子爲雄孛來孺王子又弑其主小王子入  
寇陝西天順二年正月孛來大舉寇陝西安遠侯  
溥統兵禦之輒敗御史劉濬劾溥溥行賄得釋濬  
謫官已而虜大熾關中震動召溥還奪太傅四月  
復邊鎮巡撫而以陳翌芮剗徐瑄爲都御史巡撫  
寧夏甘肅延綏三年八月孛來寇大同總兵安陽

伯文雖不敢出虜直抵鴈門忻代殺掠人畜烽火  
達於京師民大擾遣都督顏彪馮宗統兵屯紫荊  
倒馬虜既大獲利又不見我兵去而復來勅兩都  
督提兵出鴈門虜始退是年虜又入宣府五年六  
月孛來寇河西總兵仇廉禦之敗績虜遂過河大  
掠關隴震動懷寧伯孫鏜兵部尚書馬昂率京營  
兵萬七千河南山東兵六萬西征會曹欽反闕下  
鏜昂討賊有功不果行羽書紛至八月大學士李  
賢薦都御史王竑侍郎白圭禦虜虜大得利去陝  
西諸屯兵尚不敢追六年三月罷陝西屯兵各還

鎮當是時李來稍衰其大酋毛里孩阿羅出少師  
猛可與李來相讐殺而立脫思爲王虜中言脫思  
故小王子從兄也於是毛里孩阿羅出李羅忽三  
酋始入套爭水草不相能以故不敢深入爲寇時  
遣人貢馬然亦通朶顏諸戎竊邊郡成化初阿羅  
出結訛加思蘭李羅忽結毛里孩各爲黨出入河  
套我漢人被虜去及罪人走塞外者又爲之鄉導  
遂攻堡圍墩深入內郡殺掠人畜元年九月大入  
榆林塞寧遠伯任禮都御史項忠禦之會李來與  
毛里孩相讐殺虜退去二年十月毛里孩寇陝西

忠及彰武伯禦之虜去三年七月虜大入榆林塞  
殺孤山守將湯胤勳是年乧加思蘭入大同塞以  
撫寧侯未爲平胡將軍統兵出禦之虜去乧加思  
蘭故居哈密北山至是殺阿羅出併其衆而結滿  
魯都入河套滿魯都僭稱可汗以乧加思蘭爲太  
師五年九月李羅忽乧加思蘭入榆林塞又入寧  
夏塞大掠環慶至固原六年七月阿羅出又入榆  
林塞以撫寧侯未爲平虜將軍禦之稍擊退虜十  
二月毛里孩乧烈忽屢入陝西塞總兵劉聚擊敗  
乧烈忽八年延綏巡撫都御史余子俊徙鎮榆林

大繕營堡塙塹自虜據河套邊人大擾勅都御史  
王越總關中軍務議搜河套復東勝越等奏言河  
套水草甘肥易於駐劄腹裏之地道路曠遠難於  
守禦陝西虜酋孛羅忽兒加思蘭等糾率醜類居  
套分掠出入數年雖嘗沮於我師然未經挫衄終  
不肯退近日據我河曲擾我延綏寧夏深入我平  
鞏固原近又覘我大同逼我萬全聞在廷咸議欲  
得一爵位崇重威望素著者統制諸軍往圖大舉  
朝廷從其議以武靖侯趙輔充總兵官總制各路  
軍馬搜套未幾輔以疾還搜套亦不復舉又遣吏

部侍郎葉盛行邊上方略盛請增兵守險河套東  
勝之役未可輕議是年九月陝西巡撫馬文升敗  
虜黑水口湯洋嶺斬首功二百九年十月虜遣人  
貢馬是月虜寇廣寧十年屢入大同宣府塞寇甘  
涼亦遣人貢馬十月虜加思蘭大掠莊浪寧靜深  
入至鞏昌平涼總兵劉聚巡撫馬文升禦之無功  
遣給事中韓文敷功罪是月滿魯都寇宣府十二  
年三月虜加思蘭寇宣府十三年滿魯都虜加思  
蘭遣桶哈阿忽刺千七百五十人貢馬駝五千當  
是時虜中相猜虜加思蘭女妻滿魯都欲代滿魯

都爲可汗恐衆不已服又欲殺滿魯都而立幹赤  
來爲可汗滿魯都知之索幹赤來訖加思蘭匿不  
與遂相讐殺十五年滿魯都殺訖加思蘭併其衆  
十六年二月滿魯都部落寇榆林塞三月太監汪  
直總兵保國公永提督尚書王越率兵出塞捕虜  
至威寧海斬虜首四百三十七級十七年馬亦思  
因寇大同保國公出禦之戰海東山十八年又入  
大同塞十九年四月虜入陽和六月入大同諸堡  
殺掠人畜數萬守臣邊鏞許寧來告捷是年虜驟  
入宣府大同烽火至圻內二十年二月戶部尚書



余子俊總督宣府大同偏頭三關軍務兼督糧餉  
定西侯琬總兵保國公永新寧伯祐禦虜大同宣  
府侍郎李衍何喬新經理東西邊關二十二年春  
虜數入開原塞二十三年西番罕慎言瓦剌有克  
捨太師革捨太師克捨死其弟阿沙赤爲太師革  
捨弟阿力阿古多兀與阿沙赤相讐殺遂西走據  
哈密成化間北虜大抵瓦剌爲強小王子次之二  
種反復相殘並陰結朵顏伺我塞下卽貢馬二種  
亦相繼往來恐中國左右以故雖深入彼自相猜  
忌不能久晉內地未幾滿魯都衰弱不知所終而

把禿猛可王太師亦思馬因知院脫羅千屢遣人  
貢馬弘治初把禿猛可死阿歹立其弟伯顏猛可  
爲王虜中以太師官最尊王幼恐太師專權遂不  
復設太師伯顏猛可及其酋長與瓦剌酋亦遣人  
貢馬時馬文升在兵部許進巡撫大同進數條邊  
事戎政修明中朝大臣知進進疏至輒允下進嘗  
貽書小王子言通貢之利小王子瓦剌二種聞進  
威名遣其酋長哈桶察察少保等貢馬三年三貢  
每貢多至三千人少不下二千皆猶兒庄入比至  
塞皆下馬脫弓矢入館進亦嚴兵待之諸虜留塞

外者亦時與酒肉華人盜虜馬請斬徇大同宣府  
河曲皆無虜患四年正月刑部尚書何喬新乞禁  
胡服胡語七年虜大舉寇陝西十年十一月虜寇  
甘涼是年虜火篩強結諸部落迭寇大同宣府歸  
正人言虜謀深入勅侍郎許進督軍劉大夏轉餉  
禦虜又召太子太傅兵部尚書王越總制陝西軍  
務經略哈密是年虜入貢十二年虜迭入榆林大  
同寧夏塞殺掠吏民瓦剌亦遣人貢馬有餘馬官  
爲市之十三年正月虜殘神木堡五月火篩入大  
同宣府塞火篩本小王子部落強悍旣屢寇邊獲

財畜日強盛跋扈與小王子爭雄長數寇近邊京師戒嚴命都督李澄守潮河川張晟居庸關襄城伯鄺紫荆關侍郎李介經略宣大王宗彝黃花鎮天壽山及居庸白羊關史琳紫荆倒馬關七月又掠榆林平江伯銳禦之無功罷還保國公暉代銳十一月虜入偏頭關十四年正月虜入榆林塞八月火篩入花馬池塞至固原大掠人畜殺吏民總兵恭順侯鑑罷還京武安侯英代鑑侍郎李燧督餉關中空運邊城八郡大困自後虜寇關隴輒由花馬池矣是年諸將校陳瑛朱瑾馬昇秦恭皆論

東省成邊張俊總兵禦虜召戶部尚書秦紘無憲  
職巡撫陝西十五年九月虜入大同塞是年紘  
總制陝西軍務劉大夏爲兵部尚書十六年虜入  
榆林塞千戶湯璽力戰死十七年六月兀良哈結  
小王子寇邊小王子遂稱求貢否且深入謀言虜  
諸酋期分道並犯黃裏黃裏者華言京城也 上  
召見內閣劉健等議兵事內批副都御史閻仲宇  
督餉宣府大同通政司叅議熊偉督餉居庸諸關  
是月虜入大同塞殺掠人畜 上銳意討虜太監  
苗達力請出師大夏力言不可遂止十月虜入花

馬池清水營殺掠人畜無筭十八年九月虜入花  
馬池攻陷清水營起楊一清經略陝西邊務兼理  
巡撫正德元年改一清總制邊務一清請復守東  
勝據河套水草之利東勝者古東受降城也洪武  
二十七年三月城東勝因河爲固虜卽入寇後顧  
我兵不敢久自失東勝退守延綏卽城榆林虜遂  
有河套河套本漢衛將軍所取河南地開朔方郡  
者是時因杆將軍出朔方北築受降城至唐韓國  
公爲朔方大總管遂築三受降城中城南直朔方  
東直榆林西直靈武各相去四百里墩人憑山望

虜區爲一人不能隱蓋城北平沙漠漠無山巖林  
木障蔽虜輒望城慟哭遁去弘治末朝廷清明內  
外大臣協心體國爲經久計以故議復河套一清  
才略足任遂上經略三疏一議守守虜所必入一  
議戰戰虜所必敗一議攻攻虜所必救會 孝宗  
崩逆瑾專政一清得罪去無敢言及河套者即有  
建白輒云修邊或曰進幾里扞虜或又曰退幾里  
固我我邊日退套虜日進是年大夏致仕四年十  
月虜入花馬池塞殺總制尚書才寬八年十月虜  
入宣府塞十年閏四月朵顏通小王子部落入馬

蘭谷寨殺參將陳乾八月虜深入固原平涼殺掠  
吏民十一年二月虜入榆林塞七月入宣府是年  
虜入宛平清水社殺掠人畜十三年六月虜入寧  
夏塞是年虜入花馬池深入大掠秦隴正德間小  
王子三子長阿尔倫次阿著次滿官嗔太師亦不  
刺弒阿尔倫遜入河西西海之有虜自亦不刺始  
也阿尔倫二子長卜赤次也明皆幼阿著稱小王  
子未幾死衆立卜赤稱亦克罕亦克罕大營五日  
好陳察罕見曰召阿兒曰把郎阿兒曰克失旦曰  
卜尔報可五萬人卜赤居中屯牧五營環衛之又



東有阿雷罕哈爾填三部阿雷部營三其酋滿會  
王罕哈部營三其酋猛可不郎爾填部營一其酋  
可都雷三部可六萬人居沙漠東偏與朶顏爲隣  
西有應紹不阿爾禿廝滿官嗔三部應紹不部營  
十曰阿速曰哈刺嗔曰舍奴郎曰孛來曰當刺兒  
罕曰失保嗔曰叭兒厥曰荒花旦曰奴母嗔曰塔  
不乃麻故屬亦不刺亦不刺遁西海去遂分散無  
幾惟哈刺嗔一營僅全阿爾禿廝部營七故亦屬  
亦不刺今從吉囊合爲四營曰哮合廝曰偶甚曰  
叭哈思納曰打郎衆可七萬滿官嗔部營八故屬

火節今從俺答合爲六營曰多羅田土悶畏吾兒  
曰兀甚曰叭要曰兀魯曰土吉刺三部衆可四萬  
吉囊俺答皆出入河套二酋皆阿著子也諸種中  
獨強時寇延寧宣大南有哈刺噴哈連二部哈刺  
噴部營一酋把答罕柰衆可三萬哈連部營一酋  
失刺台吉衆可二萬居宣府大同塞外北有兀良  
罕營一故小王子北部也因隙叛去至今相攻又  
西爲瓦剌可五萬人世與土魯番爲讐諸虜雖逐  
水草遷徙不定然營部皆有分地不相亂嘉靖元  
年秋虜入花馬池大掠西安鳳翔三年七月大同

軍叛多走出塞降虜四年虜數侵掠陝西諸塞殺  
吏民起少傅太學士楊一清爲兵部尚書兼都御  
史提督陝西邊務未幾召入內閣六年八月虜入  
寧夏塞提督尚書王憲總兵杭雄禦虜斬首三百  
二十七年正月勅兵部右侍郎王廷相整飭陝西  
邊防尋止十一月虜大掠寧夏是年胡世寧爲兵  
部尚書起王瓊總督邊務陝西八年十月吉囊俺  
荅數掠榆林寧夏塞瓊出兵禦之虜亦得利去瓊  
遂請修邊牆據要害且堅厚至今賴之十二月虜  
入大同塞掠井坪應朔是年李承勛代世寧九年

五月虜入漁陽塞不數日又入遼西塞是月虜大入寧夏塞六月入宣府塞十年三月入大同塞大同巡撫王大用請貽書召小王子李承勛以爲不可力阻之九月虜寇陝西遼東十月虜入大同塞四路殺掠吏民遣將出京營兵禦之虜得利去遂止十一年二月虜入榆林塞掠陝西內郡是年虜道松潘漳腦寇四川西境十二年十月虜侵鎮遠關守將王効破虜斬首一百四十大同軍復叛發兵討之久不克與虜通十三年閏二月遣大臣賑撫畿周叛者北走從虜幾千人七月吉囊入榆林

塞大抵探安定會寧金縣八月始由青沙峴出花馬  
池塞總督尚書唐龍上捷書言斬虜首四百五十  
四兵部以王越封伯例請勅給事中覈竟以功報  
陞賞有差巡按御史又劾總兵劉文冒功掩罪不  
問十四年六月吉囊入榆林塞掠內郡八月又入  
榆林塞守將梁震擊敗之十五年十六年十七年  
虜數入塞掠塞上人畜十八年二月 上巡承天  
以翟鑿毛伯溫爲行邊使出帑金五十萬兩賞塞  
上將士八月虜入宣府塞西路參將賈英見虜少  
出禦之亂行而前入虜伏虜殺我將士千人掠戰

馬千疋益深入南路殺掠人畜萬計時虜酋青台  
吉哈刺台吉那林台吉皆屯牧塞外時時掠宣府  
總兵江桓竟不出効罷十月大同五堡成大同總  
兵梁震家丁數千素勇悍善戰時出劫虜營震卒  
震妻乞收尺籍二百人餘皆走降虜十二月虜入  
宣府深井諸堡逮總兵江桓下詔獄虜入榆林塞  
殺守將宋隆十九年二月甘肅守臣上言河西一  
鎮達賊盤據於西海番族住牧於南山回夷入貢  
往來交馳套虜乘機出沒搶掠中通一徑勢甚孤  
危既入報聞三月虜入榆林塞破清平堡入米脂

入畜萬計焚芻糧數萬長驅而出總兵周尚  
文駐兵青秋原虜退以捷告虜又入宣府塞破北  
路馬營諸堡得我神鎗銃炮千計芻粟牛羊萬計  
掠一婦人往時虜多掠婦女近數年乃掠殺畜火  
器遇婦女輒殺不掠四月風霾旨下兵部議防邊  
方略言官交章劾兵部尚書張瓚貪鄙誤國不聽  
七月虜入宣府塞大掠至蔚州盡破其關廂堡塞  
殺人盈野總兵白爾遇虜於水泉兒大敗副總兵  
雲肩遇虜於馬連堡又敗先是大同歸正人王九  
子言虜酋哈喇噴斜俺答兒祿吉囊青台吉赤台

吉等十八擣旗掠馬負十日倉入塞比報至虜已  
過順聖川抵蔚州凡留宣府境內者幾兩月撫臣  
守將竟論功陞職八月薊州撫臣言朵顏酋革蘭  
台結北虜且并力侵邊令撫臣諭革蘭台虜入大  
同塞虜規大同兵東援宣府遂乘虛寇大同西路  
殺掠人畜數十萬先是大同叛卒逐出城盡走虜  
中虜擇便捷輩多與牛羊帳幙令爲僧道丐乞入  
謁我邊西至甘涼東出山東或入京師凡地理險  
易兵馬強弱撫鎮將領勇怯利害盡走告虜酋吉  
囊等十九年二酋分進入塞大同軍顧與虜約



無掉壞人畜我亦不獲爾若虜喜嚙指折箭去至  
秋竟越大同抵鴈門度寧武入嵐靜交城掠殺人  
畜萬計大同軍有得虜掠我輜畜名買路錢大同  
總撫史道總兵王陞幸無事若不聞聞亦不問大  
同軍亦驕悍不用命宣府總兵白爵調援亦不肯  
戰虜益無忌顧且欲攻鴈門山西撫臣陳講告急  
大同撫臣史道竟匿不以聞講疏言八月六日達  
賊由井坪至朔州城七日分三路由井子窰青屹  
塔侵至陽方邊接連狗兒澗水口等處殺官軍掠  
人畜又由水口佛老觀灰泉梁溫等處深入省城

西南十日興嵐交城平虜與汾州文水清源十數  
州縣封壤連接一望平原民皆村居曾無堡寨比  
於邊城萬萬不侔且各賊未遭到軻延住腹裏數  
日不出人心驚惶禍變莫測後報聲息尤爲可駭  
我兵追逐不滿八千大同援兵雖至大約一千五  
百臣遣人督戰觀望不前兵勢至此後將何支詢  
聞虜中歸正人皆言賊多華人鄉導近年大同叛  
軍向順無門助賊爲惡卽爲酋領生長中原習知  
險易又胡我軍脆弱非其所敵故敢於橫肆漸窺  
塞西地連畿輔密逼京師又與河南諸省止

廷臣集議更新絃轍兵部不以爲意謾曰虜且退  
矣是月陝西總制尚書劉天和率精兵九千駐花  
馬池虜數萬入安邊定邊塞大掠固原撫按羽書  
沓至天和爲虜隔逾月奏不至旣而告捷言斬虜  
首五百卒張奴兒殺吉囊之子虜諸酋大哭遁去  
加天和太子太保叙一子錦衣正千戶陞賞三鎮  
文武吏士凡千餘人張奴兒陞世指揮僉事內閣  
以謀謨帷幄夏言加少師翟鑾少保本兵以曲盡  
方略坐收全功張瓚加少保叙一子錦衣副千戶

十二月虜大入大同塞二十年八月吉囊先入大同塞是月壬戌提督代州三關副總兵丁璋出師至寧武關東北十里石湖嶺遇虜力戰死虜遂入關以樊繼祖總督宣大偏保軍務與銀九十萬兩又起翟鵬總督京城南向山東河南軍務繼祖虜至不出縱其深入山西遊擊將軍周宇禦虜太原北侯城村力戰死虜遂至省城又越而南殺掠人畜萬萬吉囊纔出關未至塞上俺荅復入又越太原而南至石州殺掠益甚十一月令侍郎張漢賡

山西酸務郡縣二十一年三月言官交章劾繼祖

鵬亦召還京是月虜掠蘭州三月  
邊臣言虜且至又以鵬總督宣大偏保及山東河  
南軍務五月時宰惡鵬直遂會鵬乞兵糧內批罷  
鵬革總制官專責大同宣府山西保定龍大有楚  
書劉臬劉隅四巡撫五月右清紀郎周鈇言虜必  
再至乞早爲防禦計謫鈇廬州府知事六月虜又  
大入塞時吉囊病死其子板不孩居套中小王子  
不及見台吉駐威寧海上俺荅糾數酋經朔州破  
鴈門掠太原京師戒嚴七月召鵬復爲兵部右侍

郎兼僉都御史提督宣大備保山東河南軍務

上出賞格擒斬俺荅賞銀千兩陞不次他酋三百

兩陞三級時俺荅青台吉吼蠟哈哈刺漢及叛人

高懷智李天章各擁萬衆越太原列營汾河東西

散掠上黨平陽下邑時鵬未至我師連營莫相攝

觀望不肯戰縱賊益深入殺掠人畜萬計賊大營

駐平遙介休間散入險山中殺掠人畜諸將竟不

肯乘險邀擊虜掠我牛羊衣襖男女迺遷就大營

結陣且歸偏帥張世忠等自侯城村起營盟約諸

將盡力戰諸將聞者不戰而退

某夜呼集精騎五千餘合圍世忠世忠憤曰將  
獨不念血盟耶世忠被射傷果瘡下馬四面步戰  
賊亦窘會矢火藥盡世忠憤呼曰我軍被圍戰苦  
諸將竟不相援國憲天刑寧汝追耶復上馬往來  
督短兵血戰自己至酉賊見我兵死傷衆無援久  
戰力竭遂躡我營世忠頭中二矢墜馬死張宣張  
臣等痛世忠死猶率旗軍魯五等力戰宣臣並死  
又分掠定襄孟五臺又自代州出繁峙靈丘廣昌  
掠殺人畜萬計從廣武站出關安行出大同左衛  
及陽和塞去虜自六月丁酉入塞至七月庚午凡

掠十衛三十八州縣殺虜二十餘萬人牛馬羊諸畜二百萬衣襍金錢稱是焚公私廬舍八萬區蹂田禾數十萬頃贈世忠右都督與銀十斤宣臣各四十兩仍祠祀時羽書急議築京師羅城興役有日九月給事中劉養直力言不可遂止二十二年八月虜入榆林塞又入甘肅塞二十三年春調各鎮兵至大同防秋是秋虜入大同塞總督尚書驥禦之虜追時虜首遣我叛人至京師入兵仗局習佛郎機銳獲誅之遂撤各鎮防秋兵十月虜破宣府塞入紫荆關虜及薊州巡撫朱方械下詔獻



十四年虜大入榆林憲總督尚書張珩延綬總撫張子立請戍二十五年虜深入陝西殺掠人畜總督侍郎曾銑遂上復河套議二十六年久陝西澄城山分崩而東西移四五里會河西總兵咸寧侯仇鸞爲銑發其奸贓被逮鸞遂訐銑行賂掩敗冒功妄議復套關中人情大搖亦逮銑詔獄出兵部尚書王以旂代銑而以劉儲秀代以旂儲秀謝恩疏中語忤上削籍去又以趙廷瑞代儲秀落少師夏言官以尚書致仕銑至坐交結近侍律二十七年春三月銑死於西市并逮言言時行至丹陽

就逮論死械繫錦衣獄鬻竟釋不問七月八月京師地五震九月虜大入塞直抵居庸關柄臣謂虜以河套故報復也十月言死於西市二十八年虜入宣府大同二十九年八月俺荅遂入漁陽塞犯京城焚劫至德勝西直門窺八陵涼教場上震怒殺兵部尚書丁汝夔都御史楊守謙自是調邊兵入衛京師無虛歲矣

皇明北虜考卷終

子履準校正